



in

Internal Medicine

Psychiatry

Dr. Osama Mahmoud

VISIT...

LANZAROTE
Caliente.COM

Flash Notes

Internal medicine | Psychiatry

ANXIETY DISORDERS

أنواع anxiety الحقيقة كذا نوع:

أول نوع ال Generalized anxiety disorder:

اكتب عليه ده مرض العصر، هو مرض القلق بييجي لكل الناس، **خلي بالك بقى من التعريف:**

It is a subjective feeling of apprehension.

يعني شعور بالخوف واللاطمأنينة without objective reason، مفيش سبب.

أنا خايف من الامتحان، ال anxiety ده اسمه إيه؟ normal أو physiological anxiety. هذا النوع من ال anxiety بيخليني أذاكر ويرفع كفاءتي وبيخلي تحصيلي شديد، لا يمكن انت دلوقتي بتؤدي زي أول السنة، لأ أنا دلوقتي ممكن أمسك كتاب وأنقض عليه. إيه اللي عمل فيك كده؟ ال normal anxiety.

لو ال anxiety بقى مرض (neurosis) يروح جايبك ورا، تلاقي نفسك قلقان ومش عارف تذاكر، عادة معاه autonomic nervous system.

فيه paragraph كاتب :

Anxiety is a normal emotion which in a moderate degree can be helpful force by increasing effort and alertness. And it is also protective. But, it becomes pathological when symptoms are out of proportion to external stimulus.

Normal anxiety is less severe and shorter in duration than pathological وأي. ودي نقطة مهمة

نيجي بقى يا جميل لل.D.D:

1. Normal anxiety.

2. Anxiety secondary to other psychiatric disease.

مين أشهر anxiety سيكون secondary؟

اللي هو بتاع (OCD) obsessive compulsive disorder، اللي عنده OSD ده عنده وسواس، الوسواس بيقوله ادبح ابنك بالسكينة!! فيبان عليه إنه قلقان ومضطرب، بيبان عليه anxiety نتيجة اللي جواه واللي حاسه، عمره ما هيقول لحد هو حاسس بإيه وعشان كده بيبان إنه stressed.

طب إيه كمان يا دكتور؟

دى بقى مهمة:

3. Anxiety due to medical disease: (thyrotoxicosis – pheochromocytoma)

Etiology of anxiety:

1. Hereditary.

2. Learned response:

يعني يا دكتور نقدر نقول child learns to respond excessively to stress، وده بيبان بسبب التربية، زي مثلا الأب والأم ساعات بيبكون عندهم صفة التهديد والوعيد للطفل، فالولد بيتدي يخاف من الناس، يعني يقولك لما أبويا يخوفني وأمي تخوفني يبقى أنا هاخاف من كل الناس، فدي نقطة مهمة جدًا.

3. Neurotransmitter:

Increased norepinephrine, decreased level of GABA.

4. Psychological base:

اللى هو إيه يا دكتور؟

continuous conflict، يعني معاناة مستمرة، إنسان عايش حياته كلها في معاناة حتى وصل إلى درجة إنه مش قادر، فيبتدي يبقى anxious شوية، زي كليتنا كده بتعمل معانا كده، بس انتو كلكم adapted وماشين أهو زي مخاليق ربنا، عدينا أولى وتانية وتالثة ورابعة، هنيجي بقى على الآخر ونخاف ليه؟ يا عم هنخلص إن شاء الله، لكن فيه عيال بقى بتضرب في النص! بس الحمد لله انتو كويسين.

5. Personality:

يعني ممكن تكون common in obsessive، وهناخد personality.

Clinical picture:

فين بقى اللي أنا أذاكره في anxiety؟ definition والDD مهم، والetiology والنeurotransmitters دي مهمة لأن الجماعة بتوع ال psychiatry مبيعترفش دلوقتي بالحاجات الروحانية دي بقولك لا لا بص الامراض النفسية هي اضطرابات كيميائية في المخ صح كده ولا لا انا اعرف ناس من و احنا عيال

صغيرين في ابتدائي اصحابي انا ابوه وامه كانوا يبهدلوه في ابتدائي و اعدادي و ثانوي و كنا نخرج كلنا وهو لا اوعي تخرج اوعي تعدي الشارع شوف بقي دلوقتي بقي راجل محترم و دكتور بس مهزوز فهو كده لو قلت له بخ كده يغمي عليه ، ال clinical picture بقي مهمه جدا :

A. Psychological problems:

1- un explained fear

2- apprehension

الترقب كأن واحد قاعد في مكان وحاسس في ناس هيجو يموتوه و مش عارف الناس دي هتيجي امتي و ازاي هو ده الترقب ، الشعور بتاع سيدنا موسى لما جم الناس قالوله اخرج لان المرء يأتمرون عليك ، لما هما عاوزين يموتوه فهو ايه خرج منها خائفا يترقب بص الشعور ده تخيل واحد عمال يعمل كده بقوله 20 سنه هيجيله ايه ! Peptic ulcer , coronary , asthma

3- insomnia

4- night mares

B: Somatic:

اكتب بقي الجسد بيفلق + cardiovascular + يجيله tachycardia , palpitations, left mammary pain بيقولك قلبي والنغزه بيسموها cardiac neurosis ، الضغط العصبي الي بيقولوا عليه بيرفع ال systolic و ما بيرفعش ال diastolic في معظم الاحوال systolic hypertension

في ناس بيجيلها git symptoms nausea, vomiting, aerophagia بص بقي خلي بال حضرتك ببيلع الهوا يعني معظم الناس الي عندها gases كثير في ال intestine و في بطنه بسبب انه ببيلع هوا كثير يعني بيكون عنده hyperventilation في ناس طبيعتهم كده وهما مش واخدين بالهم فتلاقي بيجيلهم distention .

Chest : hyperventilation syndrome

Neurological : frequency زي يوم الامتحان الصبح , muscle pain due to muscle distress , dysmenorrhea, nervous headache

Skin : rash , urticaria

Cognitive manifestations: قدرات ذهنيه

anxiety بس pathological طبعا انا عندي

Lack of concentration مش قادر يركز

Lack of remember & recallمش فاكر حاجه

Decrease ability to learnمش عاوزين نتعلم

Psychosomatic illness

اكتب يعني الكلام قلب بجد الي بقي عنده asthma, coronary, peptic ulcer من كتر ال stress الي شافه ، ادي ال generalized anxiety disorder الي هو مرض العصر و مزمن .

ال panic attack, الي هو خوف شديد بشكل recurrent و غير معروف سببه , تلاقي واحد مرة واحدة بقي مرعوب و يقولك الحقوني, صدري و جسمي بيتنفض و نفسي, أنا باموت,

ايه يا ابني في ايه؟

و رسم قلب بقي و في الاخر مفيش حاجة

بس يا سيدي, هي دي ال panic attack , كأن واحد شاف وحش ادايه بس من غير سبب

بس بيقولك ايه:

Recurrent attack of intense fear or discomfort which is sudden and unpredictable

زي ال agoraphobia يعني واحد متضايق انه قاعد لوحده في مكان مفتوح

Clinical Picture:

Shortness of breath

Tachycardia

Abdominal distress

Paresthesia

Fear of light

Sweating

جسمه بيتنفض

استمبة مرض ال panic

بس في حاجة عندنا, ال Myocardial Infarction, يقولك الحقوني و صدري و عمال يعمل كده

DD:

Pheochromocytoma

Hypoglycemia

Investigations :

Echo

T3 & T4

Treatment:

Psychotherapy:

يعني ايه؟

يعني المريض يكون عنده Discomfort و عايز يفضفض و يتعمله Reassurance

مين يعمل reassurance

مش لازم دكتور, ممكن حد كويس, زي أخوك الكبير , ابن عمك , خالك

يقولك مالك يا حبيبي, متخفش, أنت كويس

Environmental and social manipulation:

لا انت قلقان اوي اوي اوي, انصحك انك تاخذ اجازة و تسافر تريح يومين, و تغير جو

أنا مش باتكلم عليك أنت, أنت تقعد تذاكر زي الجزمة, الطب مفهوش الكلام ده D:

Slow breathing technique:

اقولك بقي علي حركة تهدي الاعصاب

دي حركة تطمن الإنسان

أنت تعملها كل ما تلاقي نفسك متوتر و انت بتذاكر

تمرين الانفاس, تأخذ نفس عميق ببطئ و تطلعه ببطء

اعمل ده حوالي ٣ او ٤ مرات, تلاقي نفسك اتحسننت, الكلام ده بجد, في ناس بتتظمن اوي فتنام

Drugs:

Benzodiazepines

SSRI

Inderal

ال Inderal ده لواحد بيتعرش و ايده تعرق و يبقى مهززز أوي و Palpitations فمأثرة عليه يبقى
10mg Inderal الصبح و 10mg بالليل تلاقي نفسك زي الأسد و تضرب ينسون بالليل و شاي بلبن الصبح
و معلقتين عسل كبار و تكون نايم كويس و يا سلام بقى لو اخدت shower بص هتلاقي نفسك فل.

احسن حاجة لل Panic بقى علم عليه ال Selective Serotonin Reuptake inhibitor (SSRI).

ال **Phobic Reaction** ده يتحط بردو تحت عنوان ال anxiety، هو اسمه مرض المخاوف ده نوع من
الخوف المرضي، طب ايه الخوف المرضي؟ ان أنا بخاف من حاجة متخوفش و معنديش مبرر دايماً بتجنبها
بشكل غير عادي يعني مثلاً لو في بنت رقيقة بتخاف من صرصار لما تشوفه ترقع بالصوت و تجري في
الشارع، عادي مش مشكلة بس أنا لما اشوف واحد كدة اشك فيه ايه رأيك ال بيخاف من النملة؟! هل ده
منطقي يقولك يا دكتور انا بخاف من النملة لما اشوفها بتربع، تسأل له ايه؟ يقولك اصلي مرة حلمت حلم
مزعج شوفت نملة عاملة شعرها كانيش!!!، هل ده كلام مقنع؟، طيب مش احنا بنخاف من الكلاب؟ لما
تلاقي مثلاً كلب ابن لذين واقفلك كدة على باب البيت و هو كلب من الكلاب الجامدة دي واقف باصصلك
تلاقي نفسك تاخذلك لفة كدة عقبال ما يمشي او تجيب طوبة و تروح ضاربه من بعيد انما ده بقى
(الريض) تلاقيه خايف من كلب صغير و مش بيهو هو لأ ده بيعيط من الجوع و ده شافه جري ده مش
كويس في ناس مثلاً تلاقيه ايه خطب و ماشي في الشارع مع خطيبته و هيا ماسكة دراعه على اساس انه
قوي و فجأة ظهر كلب راح سايبها و جري هو ده معنى ال Definition.

D.D: -

1- Normal fear. في ناس بتخاف من الثعبان و في ناس عادي يا جماعة بتخاف من الكلاب، انتو عارفين
الكلاب الضالة عاملة ايه في مصر ماليه البلد مش ممكن! كم كلاب رهيب كانو زمان بيلمو الكلاب دي يعني
تبقى مروح البيت تلاقي ١٥ كلب واقفين جنب بعض الساعة ١ بالليل طب أنا ادخل وسطهم ازاي دلوقتي؟.

2- Panic disorder.

3- Phobia

4- Phobic symptoms with (OCD)

دي ه نأخذها بعدين مثلاً الوسواس بيقولي ادبح ابيك بالسكينة فأشوف السكاكين اخاف امسك اي سكينة
في ايدي

Types of Phobia

1- Agoraphobia

2-Autophobia, monophobia: Fear of being alone

3- Claustrophobia: fear of closed spaces زي الاسانسير

4- Acrophobia: fear of heights

5- Social phobia:

ال هو الكسوف المرضي، كلنا عندنا هذا الجزء عارفين مين هو الدكتور الشاطر؟ السر بتاعه في ال Personality لسانه حلو و يقف يتكلم بثقه. احنا هتلاقي 3/4 مننا معندهممش الحته دي، منقدرش نقف وسط الناس كده و نتكلم. انت هتبقى شاب صغير لسه طالع جديد و مطلوب منك تقرأ Paper في مؤتمر و قدامك ٥٠٠ دكتور اساتذة من كبار الأساتذة في مصر و الشرق الأوسط و في ناس اجانب قاعدين يسمعونك و منهم ال بيبصلك ماذا تفعل؟ تطلع و تقرأ و بقوة و متبصش لحد خالص و تقنع نفسك بشئ ان انت الوحيد ال بتفهم و الناس كلها مبتفهمش و لما تتسأل سؤال مش عارفه I Don't Know!!

عادي خالص بص هيا مرتين 3/ هتعمل كده انما كل شويه خايف phobia , هتلاقي كل الناس طلعت اتكلمت وانت غطست انا بفهمك اصول الشغل واللي بيساعدك ع كده هي ال communication skills خلاص كده .

بالنسبه لخوف الكلاب مع خطيبتك ف دعاء حلو مشهور عارفين كلب تبع اهل الكهف كان اسمه قطمير ففي ناس تقولك اول ما تلاقي الكلاب داخله عليك تقولها اني احبك قطمير يقروك السلام " انا جربتھا مره

6- animal phobia

7- illness phobia:

خد بالك يعني انا خايف يجيلي سرطان طب ايه الفرق بينها وبين اني بحاول اقنع نفسي اني عندي سرطان , انا خايف دي يقولها مثلا لاني اخواتي جالهم سرطان فلو فيه سبب للخوف والرعب يبقى دي phobia , اما اللي بيقولك انا عندي سرطان ومهما تعمله investigations , reassurance مفيش اي استجابة ده يبقى : hypochondriasis

Treatment:

1-Psycho therapy : mainly effective

2-Behavioral therapy :

الواد اللي بيخاف من الكلاب ده هعمله جلسات عن الكلاب , اول جلسه مثلا هتبقى عن انه ازاي حيوان لطيف وجميل وكده وعمره ما يضرك , تاني جلسه مثلا هفرجه ع صور كلاب , تالت جلسه هسمعه اصوات كلاب , واخر مره هفرجه ع كلاب بتجري وبتهوهو وطبعا اثناء التعرض لده نديله sedative . والنهايه هننزل معاه ف جوله نلتقي بالكلاب , قام شاف كلب راحله , قام الكلب عضد الدكتور .

3- inclusive:

يعني انت بتخاف من الفئران طب انا هحطك ف اوضه مليانه فئران , ابنك ١٦ سنه بيخاف من الاساسنسير , طب هو اتقفل عليك قبل كده؟! لأ يبقى ده عقده يبقى اعمل معاه inclusive , مثلا اخترع مشوار قبله ويشرب حاجه مثلا وقرص zalax ده sedative وبعدين نيجي عند الاساسنير وازقه مره واحده لجوا وادخل معاه بسرعه دايس عليه قافله واقوله بص اهو مفيش حاجه .

4- Drug therapy

OCD " الوسواس القهري "

ده عباره عن فكره تتسلط ع الدماغ وهو يعني ان هذه الفكره خاطئه فيحاول يطردها من دماغه مش عارف الفكره مسيطره عليه وكأنه وسواس قهري , العيان مش هيبان عليه حاجه غير انه مكتئب او anxious الناس ملاحظه انه متغير وهو حزين لانه بيفكر ف هذه الافكار الوحشه

طيب مين بقي بيفكر ف افكار زي الزفت ومقتنع ومؤمن بها ؟ ال schizophrenia

Periodic of persistent subjective experience of certain thoughts

The patient realize that it is illogical & continuous trying to resist it

ولكنها uncontrolled لذلك هي compulsion

المفاجأه بقي ان % 1-3 من ال population بيعانونا من المرض ده , ال etiology مش عارفين بس ال personality يقولك هي شخصيه compulsive الشخصيه الموسوسه ده انه هيجيله المرض؟! لا ده معناه لو جاله هتبقى حالته اوحش من الثاني

مين هو الشخصيه الوسواسه ال compulsive اللي هو الشخص المحب للقوانين والقواعد ويتبعها تماما بيان من صغره تلاقى لبسه مكوى والجزمة بتلمع دقنه دى متطلعش أبدا يقوم الساعة ٧ الصبح يفطر وينزل يرجع من الشغل الساعة ٣ يتغدى ينام يصحى الساعة ٥ كوباية الشاي جنبه ده system تلاقى الأب ده صعب وتلاقى فيه عيب خطير انه دقيق فى المواعيد يعنى لو قتلته المعاد الساعة ٧ وتأخرت ٣

دقائق يمشى لا يتهاون فى حقه أبداً هو شخصية محترمة بس يتعب فى الزمن ده عشان كده لو جاله المرض ده يتعب بزيادة ، تعالى بقى نشوف الأفكار ideas : تلاقيه يشتم ربنا فى سره والأنبياء كثير ويقعد يستغفر ايه الى أنا بقوله ده خلى بالك ده مبيسمعش أصوات.

ال images : يجيله مثلا صورة أنه بيعمل sexual intercourse with his mother ، يقول ازاي أنا مخى يفكر كده هو عمره ما يعمل كده لكن الفكرة شغالة.

ال impulse : اسمها اندفاعات يعنى يجيله أفكار بفعل أنه يزق زميله قدام المترو تلاقى هو وأصحابه واقفين قدام المترو أول م يجى ده يرجع لورا أصحابه يستغريوا مالك يابنى فى ايه ؟

ساعات تلاقيه يشتكى أنه يجيله أفكار عايز يرمى نفسه من البلكونة هو مش عايز يموت ده المكتئب ومش هيجى يقول إنما هو مدايق من الأفكار دى هو ده ال obsession وسواس .

ال phobia : دى بقى related to impulse يعنى أنا لما يجيلى هاجس انى هديح ابني بالسكينة فكل م يشوف السكاكين يخاف يبقى عنده phobia من السكاكين ، أو يكون عنده phobia ميدخلش الجامع لأن عنده فكرة أنه هيضحك فى الجامع .

اجترار الأفكار يعنى ربنا فين ، ايه الى جاب ربنا ، مثلاً أنا ليه مناخيري فوق بوقى وأفكار كده.

فى بقى phobia من ال kissing children لأن عنده impulse أنه لما يشوف ال children هيعمل معهم sexual intercourse فطبعا فى واحد كان فى واحد حصل قدامى فجأة انقطع عن زيارة أخته المتجوزة وأخته تسألها فى ايه مفيش حاجة فمرة روجت اجتمعنا فى مكان ما كل العيلة العيال جاينين يسلموا على خالهم مشفوهوش بقاله كثير فهو مش عايز يقرب منه هو فيه ايه ؟

ال compulsion الى هو ايه بقى ؟

انه يقعد يغسل ايده كثير ويقعد يطمن الحابس مغسولة ولا لأ ويطلع وينزل كذا مرة علشان يطمن أن العربية مقفولة ويقعد يستحمى مرتين ثلاثة ، اكتب ع ال compulsion دى أنها بت relief stress الى جواه لأن عنده anxiety واكتئاب الى جواه وبالتالي بيلجأ للدين لأنه ياعينى مش قادر يقول لحد هو بي فكر فى ايه .

العلاج الأول psychotherapy

هو العيان ده ايه مشكلته انه حاسس انه الوحيد الى ف الدنيا الى بي فكر كده فأنت تقوله أن هذا المرض شائع جدا وأن ده مش مرض دى مجرد أفكار شائعة جدا فى البشر أنا أنيل منك وأحب اطمئنك أنك مش مجنون لا حاجة مفيش حاجة اسمها مجنون واحب اطمئنك بحاجة هى دى الى هتحل المشكلة أنك مش هتعمل حاجة من الى أنت بتفكر فيه ، عارف كده الراجل هينزل من عندك ٥٠٪ من الى عنده راح طب هو الوسواس هيفضل يجى ؟ اه انما ال reaction بتاعه هيتغير وهديله SSRIs بعد ال psychotherapy والأدوية هتخلي رد فعلى تجاه الوسواس يقل بدل م يخاف لما تجيله الفكرة لأ لما تجيله يقول قديمة

PSYCHOSOMATIC & SOMATOFORM DISORDERS

معناها بالعربي كده اعراض جسمانية ليها منشأ نفسي يعني انا عمال أتردد على أطباء medicine وانا المشكلة عندي نفسية ودي على فكرة لا يستهان بهذا العدد , مهم بقى سعادتك تقدر تقولى هو ده مين فيهم يعني هو هيجى يقولك مريض عنده كذا كذا .. ده obsession ولا ده somatization ولا ده hypochondriasis لازم تبقى عارف

Somatization

اكتب بالعربي تجسيد المشاعر يعنى المشاعر والحالة النفسية الى عندك بتتجسد يعنى تعملك مشاكل فى الجسم نفسه وتلاقى المريض مش حاسس ان عنده anxiety وتلاقى يا عيني عنده صداع بقاله شهر ميبروحش وفى عنده مشكلة بس هو حاسس انها مش مديقه دليل ان لما المشكلة انتهت الصداع راح فى ناس كتير كده زى ايه بقى يا سيدى؟ الحاجات دي كلها أكثر فى ال females وهتبقى chronic و fluctuating يعنى على حسب الحالة النفسية ال symptoms بت refer to any part of the anxiety او ال depression maybe present لدرجة ان فى ست مثلا ممكن تعمل hysterectomy ليه ؟ لان الست عندها حالى نفسية والجورة بتاعتها ممكن تلغبط وهيا سن عدت ال ٤٠ فدكتور النساء يعنى الجماعة بتوع النساء بتكون قراراتهم حاسمة فيقولك يا حاجة انتى خلاص جيتى العيال فنخلص من uterus ده فممكن يعملها hysterectomy وبعدها يجيها pulmonary embolism و DVT وتموت, زى مثلا تقولك انا بطنى بتوجعنى تروح تكشف يتعملها أشعة صونار يلاقى عندها gall stones ال gall stone دى silent مش عاملها حاجة وكانت كبيرة مش محتاجة اوى تدخل , راح تدخل وعملها cholecystectomy وهيا عندها اصلا irritable bowel syndrome او somatization يبقى ده اسمه تجسيد المشاعر ومكتوب بقى nausea –vomiting – menstrual irregularity

Hypochondrial disorder

ده معناه توهم المرض , احنا خدنا حاجة اسمها phobia الى هيا ال illness phobia ده خايف جدا ليه لانه حاسس انه هيجيله سرطان فأنا مرعوب وخايف من السرطان ليه يا بنى ؟ مش عارف ليه انما لو قلت اصل انا اخويا جاله سرطان وابويا , يبقى انت معندكش حاجة يبقى دى phobia انما لأ ده يقولك انا عندي سرطان انا يا جماعة عندي حاجة بطنى فيها حاجة شوفولى فيها ايه ده توهم المرض والمريض لا يستجيب لل reassurance In spite of normal investigation ويقعد يلف على كل الدكاترة فمصر يقول انا دماغى مثلا فيها حاجة نقوله طب احنا عملنا لك رنين مفيش حاجة ونظمنه مفيش لا يستجيب ويلف على الدكاترة , فيجى يقولك مريض عنده كذا كذا وشاكك انه عنده سرطان والرنين عنده سليم والدكتور عمل reassurance وبالرغم من ذلك هو له ثابت على نفس الموقف ده اسمه hypochondriasis

نيجى بقى Somatiform autonomic

حالات كلها بقى autonomic

Hyperventilation – psychogenic vomiting – IBS-cardiac neurosis

Cardiac neurosis ده يقعد يقولك قلبي وبتاع

Somatoform pain disorder

دى على فكرة فظيعة بصو يا جماعة كان فى واحد قريتنا فى منتهى القوة ومن رجال الاعمال ده جالنا المستشفى ب severe abdominal pain احنا قولنا فيه مصيبة جوه عملنا كل ال investigation مفيش حاجة طبعا انت لازم تصدق المريض راجل محترم زى ده عمال يصوت وفى الآخر طلع ان مراته عملاله

stress فى حياته لا تتخيله ومسيطرة عليه ، خلي بالك فى ناس كده ، يبقى بره البيت اسد وجوه البيت مفيش ، مراته مسيطرة عليه سيطرة كاملة ومنعاه انه يشوف اخواته وحاشاه عن مامته بعد فترة ظبطنا الراجل ومرة واحدة اتعدل ، مرة واحدة يبقى عمل ايه ؟؟

Management

psychotherapy وادوية اكتئاب.

Factitious disorder

دا واحد بيصطنع المرض ، بيصنع signs ، زي مين اشهر واحد ؟ ال thyroid ، واحد يروح ياخذ thyroxin بالهبل ، هيجيلك بقى بيعرق و tremors و tachycardia و systolic hypertension ويقولك تعبان وهمدان وبخس ، فطبعا ايه رأيك فى الراجل دا وانت بتكشف عليه عنده ثقة فى نفسه ولا لا ؟؟ طبعا عنده ثقة لان عنده signs وهو اللي يطلب انك تكشف عليه وتبصله كده فى عينه عنده ثقة voluntary inducing physical symptoms

ويروح يكشف فى كل حنة

وفى ناس تاخذ ادوية ترفع الضغط وناس ولاد لاذينة توصل انها تاخذ انسولين عشان يعمل hypoglycemia فى التحليل كمان يثبت طبعا الناس دول عندهم وعلم على demanding examination ، تلاقي الراجل الشارع يقوله متعملش نفسك بطنك بتوجعك والدكتور يكشف عليك فتتفقس ، ده ال malingering بيدعي ، الحقوني ويمثل ومعدوش حاجة لكن التاني factitious .

ال malingering ده هتلاقي

voluntary induction of false physical or psychological symptoms

عايز يهرب من موقف معين فى الشغل ، ممكن تلاقي ولد كده عامل عامله سوده ويقولك اه يا بطني الحقوني وفى الجيش واهم حاجة وانت بتفحصه تلاقىه قلقان ما انت بقى هتتعرف ، طب ايه اللي يشككني ؟ موقعك ، يعني انت طبيب فى الجيش ومين اللي جايلك ، واد عسكري فى الجيش وفى مشاكل عنده ،

علطول تفكر هو بجد ولا malingering ولا factitious.

طب العيال ال malingering دول هيبقوا ناس عفويين ، ناس غلابة ، متبقاش انت والزمن عليه ، يعني واد عنده ٢٠ سنة تعليم متوسط او مش متعلم ، واخدينه من اهله عشان يمسح الحمامات ، يعني دا لو روحته لأمه اسرائيل هتدخل علينا؟! ، روحه يابني لأمه واديله إجازة بس قوله متعملش كده ثاني ، عرفه انك عرفت ، لحسن تلاقي الجيش كله جايلك اه يا بطني ، يقولك الدكتور دا طيب ، كدا هتروح الجيش كله لأمه ساعتها بقي تقوم الحرب.

انما ال factitious دا بيبقى professional وممكن يبقى دكتور او ممرض او حد قريه دكتور او دكتور قاله ، هو هيعرف الكلام دا منين

طبعا في ال factitious حاجة مهمة جدا انه بيرفع درجته بيعمل fever ازاي بقي ؟ الشطة الحمراء مع الحلاوة الطحينية ، لأن الشطة الحمراء لو اكلتها بكمية كبيرة ، هات انت بس معلقة كبيرة واملاها ، انت تقدر تستحمل كده دا الواحد بيموت في الحمام

المهم العيان دا ياخذ شطة بكمية كبيرة وياخذ حلاوة تعمل relive للحرقان بتاع الشطة ، عشان كده تلاقي بتاع الجيش كله دافس حلاوة طحينية وشطة وساعات يداريها في اي حنة عشان متبنش انها بتاعته ، لان الصول بيفتش عليهم ، وكل شوية ياخذ dose يرفع الحرارة بتاعته وييجي العيادة ، لان الشطة بتعمل pyrogenic reaction ترفع الحرارة

التجميعية دي بقي سؤال:

مين اللي عنده somatic symptoms وانا مش عارف (Unexplained somatic symptoms)؟؟

1. Anxiety
2. Panic
3. Depression
4. Somatoform
5. Malingering
6. Factitious

فيه مرض كان يسمى فى الماضى هيسستيريا:

أنتو عارفين الهيسستيريا دي جاية منين؟

من hysteros يعني رحم

كانت الست توقع في الأرض وتنشج وبتاع, يقولك أنه abnormal uterine contraction

ده كان كلام قديم

بص يا جميل بقى علشان متقولش ده بيمثل:

Subconscious production of signs and symptoms

علم على كلمة subconscious يعني إيه؟

يعني ما وراء الوعي... يعني هو لا يعي ما يحدث , علشان ما تخلطوش مع Malingering

طيب علم على كلمة to gain ال attention , أو to scape from certain danger

يبقى ياما هو هيكسب حاجة أو هيهرب من حاجة.....دي اسمها secondary gain

أمال إيه هي ال primary gain؟

انه بيعمل كدا to relief his anxiety

هقولك مثل بسيط:

البتت اللي أبوها عايز يجوزها غصب عنها لابن عمها , فيقوم العقل الباطن عايز يغلب البنت, فيقوم عملها

paraplegia, يبقى هيا فيه secondary gain

ابوها لما يلاقي ان بنته اتشلت يمشي العريس , يبقى هي كسبت, كدا ال subconscious خدمتها

وبعدين يقولك هيا عادة ليها meaning

هيا اتشلت ليه؟!

علشان متروحلوش برجليها

زي الست اللي جوزها مطلع عينها يحصلها torticollisمش عايزة تشوفه

كل دي حاجات تحمل المعنى

1. Conversion Reaction:

ده يعني إيه؟ Unresolved conflict

يعني هيا عندها مشكلة جامدة وصراع شديد مش قادرة انها تحله, تقوم تعمل ايه؟

تحويل كل ال stress إلى أعراض جسمانية, طب ازاي !! يحصل ايه؟

مثلا في واحد راجل شيخ مسك ابنه ضربه بعنف فالواد تقريبا جاله fracture rib من كتر الضرب

والواد كان هيموت وودوه المستشفى, طبعا الأب بقي:

- خايف على ابنه
- خايف من كل اللي حواليه
- هو علشان انا اب اضرب ابني اقتله طب كده هروح السجن!

فكل ده حاجات تخليه يخاف, راح الراجل اتشل ووقع في الأرض, وشالوه على المستشفى فهو كسب عطف الناس, هذا هو ال gain

2. Aphonia:

ده اللي هو نظام صوته اتبجح

في مرة واحد جزار متوحش مشغل ولد صغير عنده , مرة الولد غلط في الشغل في حاجة , والراجل بقي عايز ينقض عليه.... والواد بقي تور داخل عليه, فيعمل ايه في المصيبة دي؟

راح حصله conversion reaction, حصله aphonia, فقدام الجزار الولد اتخرس قدام الناس

راح الجزار خاف على نفسه لحد يقوله انه السبب ويروح في داهية

راح شايل الواد وجه بيه على المستشفى...شوفت ازاي الولد كسب الموقف!!!

3. Ticks

4. Torticollis

5. Fits

ال fits دي مهمة, دايما مافيهاش sequence زي ال epilepsy في ال clonus

لأ ده تلاقيه نايم وعينه بتتحرك لوحدها

تلاقي واحد جايلك الساعة ٤ الصبح, ومش عايز يفوق, ودايما تحدث في ال presence of audience

يعني متفرجين

طب هو اللي عنده epilepsy يحتاج متفرجين؟

لأ هو هيتشنج علطول، مش محتاج علطول لكن ده عايز يكسب عطف الناس، يبقى اتشنج لوحده ليه؟

اتشنج لمن أنا؟!

لازم يكون فيه متفرجين علشان الناس تقول يا عيني يا حبيبي

طيباً معضش لسانه ميتعورش

6. Sensory Disturbance

ده ميقولكش anesthesia, hypothesis, لأ

تقعد تشكشكه بالابرة ميحسش خالص

ممکن blindness...هو مش شايف الناس اللي مدايقاه

و أي حاجه تأذيه يشوفه يعني لو في danger جاي عليه يشوفه لكن حد مضايقه او وشوش عكره مضايقه لأ فهو أكيد في مشكله حصلت في العيله فتلاقس لبنت يا عيني جوزها وامه قارفينها عشان كده احسنو الاختيار .. المهم في visceral disturbance و vomiting عارفين ال pseudoscyesis الحمل الكاذب ، يا عيني البنت نفسها تحمل وامنيتهها فا يا عيني العقل الباطن يعملها انتفاخ في بطنها و amenorrhea ويعملها nausea و vomiting كأنها يا عيني حامل .
ال amnesia دي أسمها dissociative reaction اللي فات كان اسمها conversion يعني ايه بالعربي ؟ أعراض تحويليه لأنه حول ال stress لأعراض جسمانيه انما دي أسمها dissociative reaction أعراض انفصاليه اللي هو الوضع اللي انا فيه مش هيكفيني اني اتشنج ، انا لازم انفصل عن العالم المؤلم وهنفصل عنه كنوع من النسيان .

AMNESIA

يعني بينسي المواقف ال shameful يعني مثلا واحد يروح ماسكك ممسخر بكرامتك الأرض في مكان عملك قدام الناس فانت تولع تتجنن فيروح العقل الباطن يدمك تنسي اللي حصل فتره وبعد شويه ترجع تفكر بس تكون النار هديت سبحانه الله بيحصل كده وانا دايمًا بشبهها بالراجل الباشا اللي راكب عربيه شيك مروح بيته بالليل دكتور بقي وبعدين راجل سواق ميكروباص كاسر عليه فهو بقي راح شاتم سواق الميكروباص يا حيوات راح السواق قاله انت ليلتك سودا النهارده راح حجز عليه ونزله رنه علقه سخنه في الشارع فطبعا هو هيتجنن مش قادر فينسي اللي حصل كام يوم وبعد ما الدنيا تهدي يرجع يفكر.

دي اللي كانت بتيجي في فيلم نيلي زمان ومحمود ياسين كان اسمه عذاب امرأه كان محمود ياسين راجل صحفي كبير ومراته ست متسلطه عليه وهو مش مديها فرصه تضايقه راحت قالتله ايه في الفيلم ؟ علي فكره ابنك ده مش ابنك فالراجل بف حوالين نفسه راح العقل الباطن ده نسي هو مين ونسي اسمه وفضل ماشي في مكان بعيد بس طبعا هم بيزودوها في الافلام ، واشتغل جارسون وقعد فتره بعيد ، هقولك أنا fudge حلوه حصلت مره اللي هو الولد اللي سقط في الثانويه العامه الواد كان ساقط السنه الل فاتت وابوه قاله لو سقطت السنادي هطلع عين امك وابوه عنيف ، فالواد راج يشوف النتيجة لقي نفسه ساقط راح حصله fudge فقعد يمشي يمشي مش دريان بنفسه ، راح رمسيس ركب قطر اسكندريه كل ده وهو مش دريان ، نزل من القطر قعد يمشي لحد ما راح البحر ، فاق فجأه قال ايه ده ايه اللي جابني هنا ؟؟؟ زي ما تقول عقله الباطن بيروقه ، زي الطفل اللي يمش وهو نايم بيكون stress ومش زي ما بيجو في التلفزيون لأ هو امه تقول بالليل بينام في حته تصحي الصبح تلاقيه نايم في الصاله في الصالون هو كده بيكون stress وال stress بالنسبه للطفل بيكون ٣ أشياء (المدرسه - قرناه "اخوانه - أصحابه - harmony between parents).

في مشلشل قديم بتاع فؤاد المهندس ويونس شلبي اسمه حيرم كان فؤاد المهندس عنده بنت وحيد دي بالنسبه لأبوها غير الولد دي بتكون بنتي وأختي ومراتي وكل حاجه في الدنيا لما يجي حد يتجوزها ليلتك سودا زي فيلم عادل امام هو فعلا مش قادر ده مش هزار ، ففي المسلسل كان طالع محامي راجل محترم وبنته الوحيد جالها عريس فهو مش قادر يقول لأ لكن عقله الباطن بيرفض فيقوم كل يوم يمشي .

Stupor

Twilight

هديك مثال زي الولد بتاع الثانويه العامه بس مش هيجصله fudge دي يعني الثاني ده تلاقيه قاعد ما يردش علي امه كل شويه تقولوه يا بني يا حبيبي رد علي ٥ ساعات قاعد كده "يسمو فوق الحدث " كلمة السادات

pseudo dementia

حصل في الناس المساجين من كثر التعذيب يا عيني يبقى عامل زي العيال الصغيرين يعيط ، لو قولتلوه

٢+٢ يقولك يساوي ٣ زي فيلم اسماعيل يس لما كان في الجيش وعامل عامله سودا يودوه السجن الجربي
فعمل فيها معتوه ودوه المستشفى والشاويش عطيه بيعيط عليه

الكلام ده مكتوب فى ال somatoform تحت عنوان unexplained somatic symptoms يعنى هما
بدأوا يحطوا ال conversion reaction تحتها لانه هو stressed اوى فتشنج او stressed قوى فجاله
قىء او حالة epileptic fits

لانه ساعات فى ال mcq او ال problem ساعات يوصفلك الحدث يقولك دي ايه فلانم تبقى عارف
المفردات دى

عندكوا جداول صفحة ١٢ hysterical fits and epileptical fits ده اللي انا وصفته من شوية

وفى عندك hysterical hemiplegia and organic hemiplegia ده واحد هيجيلك شلل نصفى كامل
بس معندوش ال distribution الى احنا عارفينه ولا ال reflexes وفى history انه زعل و بعدين
حصله كدة زمان كنا بنعمل painful stimulation لحد ما يزق نحطه subcutaneous alcohol بس
خلى بالك اوعى تنسى ال young female الى معاها حمايتها و جوزها اوعى تقولهم ديه حالة نفسية
مفيش حاجة لأ لازم تقولهم ديه عندها انهيار عصبى و ده واضح ان له اسباب انها محطوبة تحت ضغط
نفسى عنيف لحسن يروحوا ماسكنها انها بتدلع و بتمثل يظبطوها لما تروح البيت

Hysterical coma	hypoglycemic coma
Audience	-----
-----	severe sweating

خلى بالك ان ال conversion reaction بيكون عنده twitches فى عينه عمال يبريش بيهم و هو عمال
يتشنج لما تحاول تمسكه تلاقيه بيزقك فانت تبقى عارف انه نفسيا تعبان

خلى بالك هو معندوش القدرة النفسية او الثقافية انه يواجه هذا الموقف انت ممكن يحصلك احوال بس
عشان راجل متعلم و مثقف تحاول تحل المشكلة لا فى حد ميقدرش يعمل كدة بالذات ال females الى
هما مش متعلمين تلاقى عقلية غلبانة اخرهم دبلوم تلاقى رجله شادة بقاله يومين و انت مش عارف ماله

آخر جدول Psychogenic amnesia & amnesia

شكرا